

## Akileraarusiinernik Aalajangiisartut aalajangiinerat

Kinaassutsimik uppersaaneq:	2024-15649
Piffissaq aalajangiiffiusoq:	Septembari 2024
Aalajangiinerup tamanut saqqummiunneqarnera:	Martsi 2025
Ukioq aningaasarsiorfiusut:	2023
Qulequtaq:	Akileraarutit
Sammissami oqaatsit atorineqartut:	§ 19 akileraarutinut tapeq

### **Eqikkaaneq**

Ukioq aningaasarsiorfiusumut 2023-mut nammineerluni nalunaarsuinerup aamma naatsorsuutit kingusinaartumik tighneri innersuussutigalugit Akileraartarnermut Aqutsisoqarfiup tapit kr. 5.000 akilequsai pillugit naammagittaalliuut.

Nammagittaalliuuteqartoq isumaqarpoq, piffissaq eqqorlugu qarasaasiakkut nalunaarutigisimagamigit akileraarutinut tapeq peertariaqartoq.

Qarasaasiakkut nalunaarutiginnineq uppersarneqangimmat imaluunniit ilimanarsisinneqangimmat akileraarutinut tapeq 5.000 kr.-nit Akileraarusiinernik Aalajangiisartut aalajangiusimavaat.

### **Suliassami pissutsit piviusut**

Naammagittaalliuuteqartoq suliffimmi namminersortumi tassani nalunaarsorsimavoq; suliffeqarfik-X kiisalu aamma Z-SpS-mi piginneqataasutut nalunaarsorsimalluni.

Z-ApS-mut nammineerluni nalunaarsuineq naatsorsuutillu ulloq 15. juni 2024-mi qarasaasiakkut nalunaarutigineqarput.

Ukiuumut aningaasarsiorfiusumut 2023-mut suliffeqarfik-X-mut nammineerluni nalunaarsuinerup naatsorsuutillu tighnerinut Akileraartarnermut Aqutsisoqarfik qarasaasiakkut nalunaarsuisimangilaq. Suliffeqarfik-X-mut nammineerluni nalunaarsuineq naatsorsuutillut ukiumi aningaasarsiorfiusumi siusinnerusukkut nalunaarutigineqarput.

Suliffeqarfimmut nammineerluni nalunaarsuinerup naatsorsuutinillu nassiussinngimmat, naammagittaalliuuteqartup namminersorluni suliffeqarfianut missiliuussinikkut angissusiliinerup siunnersuummik Akileraartarnermut Aqutsisoqarfik nassiussaqqarpoq. Peqatigitillugu nammineerluni nalunaarsuineq/naatsorsuutit piffissaq eqqorlugu nassiunneqqarsimangimmata akileraarutinut tapimik 5.000 kr.-nik akileeqqusisoqassasoq ilisimatineqarpoq.

Naammagittaalliuuteqartoq juuli naalersoq nammineerluni nalunaarsuinerup naatsorsuutinillu mailikkut nassiussivoq.

Isertitat akileraarutaasussatut nammineerluni nalunaarsorneqartut Akileraartarnermut Aqutsisoqarfiup aalajangerpai, kisianni akileraarutinut tapeq 5.000 kr. aalajangiusimallugu.

### **Naammagittaalliuteqartup paasinninnera**

Naammagittaalliortoq isumaqarpoq, akileraarutinut tapimik akileeqqunneqartussaananani. Oqaatigaa, piffissaliusaq tikitsinnagu Akileraartarnermut Aqutsisoqarfiup qarasaasiakkut aaqqiissuteqarfia atorsimallugu. Suliffeqarfiup angusai nammineerluni nalunaarsukkat siornatigulli arlaleriaqaluni suliffeqarfimmut naatsorsuutit kakkiullugit qarasaasiakkut nassiuttarsimavai.

### **Inatsisitigut malittarisassanut inatsisitigullu periaatsinut innersuussinerit**

#### Nammineerluni nalunaarsuiffimmik nassiussinissamut piffissaliusaq:

Namminersorluni inuussutissarsiummik ingerlataqartut nammineerluni nalunaarsuiffiup tunniunnissaanut ull. 1. majivoq, nammineerluni nalunaarsuiffik tunniunneqarpat, aamma nammineerluni nalunaarsuiffik qarasaasiakkut nalunaarutigineqassappat ull. 15. majivoq, tak. Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-meersumi kingusinnerusukkat allanngortinneqartumi (Akileraarutinik ingerlatsineq pillugu inatsit) § 16.

§ 16. Akileraaruseriffiup nammineerluni nalunaarsuiffissat ukiup aningaasarsiorfiusup qaangiunnerani akileraartussaataitaasunit piaartumik tiguneqartussanngorlugit akileraartussaataitaasunut tamanut nassiussussavai.

Imm. 2. Akileraartussaataitaasup nammineerluni nalunaarsuiffissamik nassinneqanngitsoornera akileraartussaataitaasup nammineerluni nalunaarsuiffimmik nassiussinissaanut pisussaajunnaarsitsinnigilaq.

Imm. 3. Nammineerluni nalunaarsuiffik akileraaruseriffimmut nassiunneqassaaq ukiumi ukiup aningaasarsiorfiup tulliani, kingusinnerpaamillu: Stk. 3. Selvangivelse skal indsendes til skatteforvaltningen året efter indkomståret og senest den:

1) kinguliani nr. 2-mi 3-milu pineqanngitsuni tamatigut 1. maj;

2) namminersorluni inuussutissarsiummik ingerlataqartunit, akileraaruseriffiup ilitsersuineri malillugu elektroniskiusumik nammineerluni nalunaarsuiffimmik nalunaarutiginnittut 15. maj.

3) piginneqatigiiffiit, peqatigiiffiit il.il., akileraaruseriffiup ilitsersuineri malillugu elektroniskiusumik nammineerluni nalunaarsuiffimmik nalunaarutiginnittut 15. juni.

Imm. 4. Namminersorluni inuussutissarsiummik ingerlataqartut, piginneqatigiiffiit peqatigiiffiillu imm. 3, nr. 2 amma 3-milu pineqartut, ukiup aningaasarsiorfiup siuliani akileraaruseriffimmit missingersuinikkut akileraarutissaminnik angissusiliiffigineqartut nammineerluni nalunaarsuiffimmik nassiussinissamut piffissaraat ulloq 1. maj.

Imm. 5. Immikkut pissutissaqartillugu akileraaruseriffik nammineerluni nalunaarsuiffimmik nassitsinissap kinguartinneqarnissaanik akuersissuteqarsinnaavoq, tamanna akileraarusiilluni sulinerup aaqqiissuunneqarneranut piffissarlu eqqorlugu naammassineqarnissaanut akornutaanngippat. Nammineerluni nalunaarsuiffimmik nassiussinissamik kinguartsiniarluni qinnuteqaat tunngavilersugaassaaq, kingusinnerpaamillu ullormi nammineerluni nalunaarsuiffiup nassiunneqarfissaani tunniunneqarsimassalluni, tak. imm. 3-miit 4-mut.

Imm. 6. Inuit ataasiakkaat nammineerluni nalunaaruteqarnissamut pisussaaffeqartut, nammineerluni nalunaarsuineri immersugassamik akileraaruserivimmit immersoriigaasumik tigusaqartut, nammineerluni nalunaarusiamik nassitsinnigissinnaapput, paasissutissat atorneqarsimasut eqqortuullutilu tamakkiisuuppata, § 17 naapertorlugu.

Imm. 7. Nammineerluni nalunaarsuiffissap qanoq isikkoqarnissaanut nassiussornissaanullu maleruagassat Naalackersuisut aalajangersarsinnaavaat, aammattaq immersugassat Naalackersuisut akuerisaasa akileraartussaataitaasunit qanoq atorneqarnissaannut maleruagassat Naalackersuisut aalajangersarsinnaavaat.

Suliffeqarfiup namminersortup nalunaarsorsimasup, akileraartussaataitaasup S1U nammineerluni nalunaarsuinerimut immersugassaq atussavaa. Immersugassami suliffeqarfimmik naatsorsuutinullu paasissutissanik nammineq nalunaarsuineq pillugu ilitsersuuteqarpoq.

Akileraartarnermut Aqutsisoqarfiup imaluunniit sullissiviup nittartagaanni qarasaasiakkut nalunaaruteqartoqarsinnaavoq. Akileraartartoq nalunaaruteqarnerminut uppersaammik pissangilaq, kisianni akileraartartumit nalunaarutiginninneq "Akileraarutikka"-mi takuneqarsinnaavoq.

Namineerluni nalunaarsuiffimmik nassiussinissamut piffissaliussap kingorna nassiussinermut tapeq:

Namineerluni nalunaarsuut pissusissamisoortoq nassiussinissamut killiliussap naanerani tiguneqanngippat, Akileraarutininik ingerlatsineq pillugu inatsisip § 19-ani, akileraarummut tapip naatsorsornissaannut inatsisitigut tunngavissaqarpoq.

Tapeq pillugu § 19-mi oqaasertat, ukiumut isertitaqarfiusumit 2014-mit atuutilersumik allanngortinneqarput. Siusinnerusukku § 19 imm. 1 aamma 2 imatut oqaasertarput:

§ 19. Namineerluni nalunaarsuut pissusissamisoortoq piffissaagallartillugu nassiunneqarsimanngippat, piffissaagallartilluguli nassiussivissaq ullut qulit inorlugit qimmorneqarsimappat, aningaasarsianit akileraarutissat 2 procentimik qaffanneqassapput. Piffissarli ullormik ataasiinnarmik qimmorneqarsimappat qaffaasoqassanngilaq. Piffissaagallartillugu nassiussivissaq ullunik 10-nik amerlanerusunilluunniit qimmorneqarsimappat aningaasarsianit akileraarutissat 5 procentimik qaffanneqassapput. Qaffaatissarli minnerpaamik 100 kr.-iussaaq annerpaamillu 2.000 kr.-iusalluni.  
Imm. 2. Immikkut pissutissaqartillugu akileraaruseriffiup qaffaammik imm. 1-imi taaneqartumik tamakkiisumik ilaannakortumilluunniit qaffaasoqannginnissaa nalunaarutigisinnaavaa.

Inatsisikkut nr. 9, 8. juni 2014-meersukku oqaasertaa imatut allanngortinneqarpoq:

§ 19. Namineerluni nalunaarsuissaatitaasup namineerluni nalunaarsuut pissusissamisoortoq piffissaagallartillugu nassiussimanngippagu, akileraarutissat namineerluni nalunaarsuummik nassiussinissamut piffissaliussap ullormik ataatsimik qimmorneqarneri tamaasa 200 kr.-inik qaffanneqassapput, taamaattorli inunnut tunngatillugu katillugit annerpaamik 2.000 kr.-inik, aammalu namminersorlutik inuussutissarsiutinik ingerlataqartunut kiisalu inatsisit naapertorlugit inuttut isigineqarsinnaasunut tunngatillugu katillugit annerpaamik 5.000 kr.-inik.  
Imm. 2. Immikkut pissutissaqartillugu akileraaruseriffiup qaffaammik imm. 1-imi taaneqartumik tamakkiisumik ilaannakortumilluunniit qaffaasoqannginnissaa nalunaarutigisinnaavaa.

Inatsisissatut siunnersuummut tunngavisoq malillugu, allannguneq pissuteqarpoq, Oqaasertaliussat pisoqqat akileraartussaataasumut isertitat akileraaruteqaataasussat pitsaasuunngikkaangata piffissamut killiussap equutsinnissaanut ajumissaataanngitsumik kinguneqarmata, pissutigalugu akileraarutip procentiata ilaatut tapeq naatsorsorneqartarmat. Aalajangersammik nutaamik oqaasertaliinermi akileraartussaataasooq inuunersoq imaluunniit inatsisitigut akisussaasoq aamma inuussutissarsiutitut suliffeqarfimmik nammineq inuk ingerlatsisoq killiuliussamik qaangiinerit ullut amerlassusaat tunngavigalugit taamaallaat tapeq naatsorsorneqartarpoq.

Inatsisissatut siunnersuutip tunngavia (issuagaq):

*"Siunnersuutip kingunerissavaa namineerluni nalunaarsuiffimmik nassiussinissamut piffissaliussamik equutsitsinissaq pilerinarsarniarlugu sukaterineq.*

*Procentillilluni maannakku qaffaasarneq allanngortillugu, namineerluni nalunaarsuiffimmik nassiussinissamut piffissaliussap ullormik ataatsimik qimmorneqarneri tamaasa akileraarutissanut qaffaassutissap aalajangersimap 200 kr.-iunissaa, taamaattorli inunnut annerpaamik 2.000 kr.-iunissaa, aammalu namminersorlutik inuussutissarsiutinik ingerlataqartunut aamma inatsisitigut akisussaaffimmik tigummiartut annerpaamik 5.000 kr.-iunissaa siunnersuutaavoq.*

*Namineerluni nalunaarsuiffik, namineerluni nalunaarsuiffimmik nassiussinissamut piffissaliussap qaangiutinnginnerani tiguneqarsimannginnera akileraartarnermut oqartussaasunit paasineqarpat akileraarutissanut qaffaassutissaq atuutilissaaq. Akileraarutissat qaffaassutissaannik, taamatullu aamma namineerluni nalunaarsuinissamut piffissaliussamik qimmuinermik naatsorsuineq inatsim-mi § 16, imm. 3-miit 4-mut tunngavigalugit pissaaq.*

*Akileraarutissat qaffaassutissaat inaarutaasumik naatsorsuinermit ilanngunneqassaaq, akileraa-rutillu allat assigalugit pineqassalluni, tassa piffissaq akileneqarfissaa, ernialersuineq, akiligassiis-sutigineqarnera akilersinniarneqarnissaalu eqqarsaatigalugit.*

*Nammineerluni nalunaarsuiffiup nassiunneqarnerata kingorna paasinarsippat nammineerluni nalunaarsuiffik piumasagaataasunut naleqqiulluni ima amigaateqartigisoq, tak. § 17 aamma § 18, allaat nammineerluni nalunaarsuiffik nammineerluni nalunaarsuiffittut il.il. pissusissamisoortut isigineqarsinnaanani, taava akileraarutissat qaffaassutissaat piffissamut pineqartumut tunngatillugu tamakkiisumik akiligassiissutigineqassapput. Pisuni taamaattuni qaffaassutissamik tamakkiisumk ilaannakuusumilluunniit akiliisinneqannginnissaq immikkut ittumik qinnutigineqarsinnaavoq, jf. § 19, imm. 2.*

*2014-imut nammineerluni nalunaarsuiffiit 2015-imi nassiunneqartussat siunnersuummi pineqar-tunut ilaassapput.*

*Akileraarutitut tapeq pillaammik akiliisitsissutaanngilaq.”*

§ 19-p oqaasertaani nutaami pisoqqamilu oqaaseqaatini nalinginnaasuni takuneqarsinnaavoq, naatsorsuutit imaluunniit nammineerluni nalunaarsuineq piffissaq eqqorlugu tiguneqarsimangikkaangata tapeq akileqquneqartarpoq, kisianni nammineerluni nalunaarsuineq naatsorsuutillu amigaataagaluarpataluunniit, tapeq kisimi naatsorsorneqarsinnaasoq.

§ 19 imm. 2-mi aalajangersakkap oqaasertaani nutaami pisoqqamilu immikkut ittumik akuersissuteqartoqarnissamut periarfissaqarpoq, pissutigalugu § 19 malillugu Akileraartarnermut Aqutsisoqarfik tapeqartitsinngissinnaammat. Oqaasertai allanngortilaarneqarput, taamaallaat tassani tunngavineqarpoq akileraarutip qaffannera tapimut maanna allanngortinneqarmat, akileraarummut attaveqanngitsumik naatsorsorneqartoq.

Inatsisip oqaasertaanut pisoqqanut oqaaseqaatini nalinginnaasuni assersuutit akileraartussaataasup imaluunniit ilaquuttat qanigsat perunnartumik napparsimani immikkut ittumik akuersissuteqarnissamut tunngavilersuutaasinnasutut oqaatigineqarpoq. Tassa imaappoq uani akileraartussaataasumut nassiussinissamut pisussaaffiup naammassinissaanut ajornakusoortitsisinnasut pissutsit oqaatigineqarput Suleriaatsimi akileraartussaataasup nammineq pissutsit atuagai kisimik eqqarsaatigineqarput, pissutigalugu akileraartussaataitasup kukkunersiuisuata napparsimani assersuutigalugu piffissaq eqqorlugu nassiussinissaamut pisussaajunnaarsitsinngimmat.

### **Akileraarusiinemik Aalajangiisartut naliliineri tunngavilersuutaalu**

Naammagittaalliuuteqartoq suliffeqarfimmik namminersortumik 2023-mi nalunaarsorsimavoq, taamaattumillu Akileraarutininik ingerlatsineq pillugu inatsimmi § 16 naapertorlugu nammineerluni nalunaarsuinemik naatsorsuutinillu tunniussisussaataitaavoq.

Naammagittaalliuuteqartup aalajangiullugu oqaatigaa, ukiut siuliinisut nammineerluni nalunaarsuineq naatsorsuutillu qarasaasiakkut nalunaaruteqarnikkut tunniussimallugit.

Ukioq aningaasarsiorfiusoq 2023-mut naammagittaalliuuteqartup ingerlatseqatigiiffianut Z-ApS-mut nammineerluni nalunaarsuinemut naatsorsuutinullu qarasaasiakkut nalunaaruteqarneq nalunaarsorneqarpoq. Kisianni ukioq aningaasarsiorfiusoq 2023-mut suliffeqarfimmut X-mut suliffeqarfimmut namminersortumut nammineerluni nalunaarsuinemut naatsorsuutinullu qarasaasiakkut nalunaaruteqarneq nalunaarsorneqarsimangilaq.

Immikkut ittumik tunngavissaqarpat tapimut akileraarusiisoqanngitsoorsinnaavoq. Akileraarusiineramik Aalajangiisartut isumaat malillugu, nammineerluni nalunaarsuineranut naatsorsuutinullu tunniunneqarsimanersut illuatungeriit oqaatigisaat akerleriippata, tapeq immikkut ittumik akuersissutigineqarsinnaanngilaq.

Illumut pisimasoq tassaavoq, naammagittaalliuuteqartup suliffeqarfimmut X-mut nammineerluni nalunaarsuinerana naatsorsuutaalu Akilelraartarnermik Aalajangiisartut piffissaq eqqorlugu tigusimangikkaat aamma tamanna immikkut ittumik tunngaveqartumik uppersarneqanngilaq. Ilisimatitsineq, qarasaasiakkut nalunaarutiginnittoqarsimasoq, uppersarneqanngilaq ilimanarsisinneqaraniluuniit soorlu skærmip takussutissartaasa toqqornerisigut "Akileraarutikka"-mi nalunaarutiginerani.

Qarasaasiakkut nalunaarutiginninneq uppersarneqarsimasuuppat ilimanarsisilluguluunniit, Akileraartarnermik Aalajangiisartut paasinninnerat malillugu, nalunaaruteqarnerup piffissaq eqqorlugu tigusimanginneranut Akileraartarnermut Aqutsisoqarfik akisussaaffimmik tigusisimassangaluarpoq. Taamaattoqassappat naammagittaalliuuteqartoq akileraarutitut tapinik akileeqqunneqarsimassanngikkaluarpoq.

### **Akileraarusiineramik Aalajangiisartut aalajangiinerat**

Nammineerluni nalunaarsuineq naatsorsuutillu piffissaq eqqorlugu tunniunneqannginnerinut Akileraartarnermut Aqutsisoqarfiup akileraarutitut tapimik akileeqqusinera **aalajangiusimaneqarpoq.**

Inatsisitigut tunngavigisat: Akileraaruserineramik ingerlatsineq, kingusinnerusukkut allangortinneqartoq, pillugu Inatsisartut inatsisaanni nr. 11, 2. november 2006-imeersumi §§ 16 aamma 19